


中國方志叢書·華中地方·第四六六號

據 永樂大典本 影印

江蘇省

蘇州府志



5657107

成文出版社有限公司印行



10098008

中華民國七十二年三月臺一版

蘇州府志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（〇五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

永樂大典卷之二千三百六十七 六模

蘇州府十九

冢墓

蘇州府志周禮。墓大夫掌凡邦墓之地域而為之圖。後世無有也。然想牧
有禁發掘有刑。則著于律書。吳由春秋而下。數千載之間。墟墓猶有存者。
於是類古圖經之所紀。而以宋元者附益之。俾世世有考焉。 正威墳吳
地記云。在長洲平門東北三里。正威商大戊時賢臣。是為正門。故為正威
山。按越絕書。虞山正威所出。離騷亦云。正威。說者以為古神巫也。正威冢
在長洲縣海虞山上。咸殷賢臣也。本吳人。子賢亦在此。見史正義。 吳太
伯墓。吳越春秋云。太伯卒。葬梅里平墟。梅里今常熟縣。史記正義引括地
志。太伯冢在吳縣北五十里。無錫縣界西梅里村鴻山上。去太伯所居城
十里。吳地記又云。太伯冢在吳縣北。去城十里。未詳孰是。 吳君仲雍墓
史記索隱云。吳地記曰。仲雍冢在常熟縣西虞山上。與言偃冢並列。案宇
記曰。虞山有仲雍。齊女墓。東是仲雍。西是齊女。梁昭明太子招真治碑云。

遠望仲雍而高墓蕭瑟傍臨齊女而哀塋蒼茫碑刻尚存而墓今不知孰是吳地記仲雍墓在海虞山東嶺言偃墓吳地記云與仲雍墓並列在常熟縣吳王閭閻墓在長洲縣西北吳越春秋閭閻葬於國西北穿土為山積壤為丘發五郡之士十萬人共治千里使象捷土鑿池四周水深丈餘銅櫛三重頤水銀為池池廣六十步黃金珠玉為鳧鴈扁諸之劍魚腸之干在焉葬之三日金精上揚為白虎據墳故曰虎丘越絕書云閭閻冢在昌門外名虎丘下池廣六十步水深丈五尺銅櫛三重頤池六尺玉鳧之流扁諸之劍三千方圓之口三千梁即勝邪字之訛也魚腸之劍在焉十萬人築治之取土臨湖口築三日白虎居上故號虎丘漢劉向疏云吳王閭閻建禮厚葬十餘年間越人發之吳地記云秦皇求吳王劍虎復踰焉遂走二十五里而失因名其地曰虎嘑唐避諱為許嘑相傳墓即虎丘寺法堂基也吳王夫差墓在陽山越絕書云越王棲夫差於餘杭山去長洲縣五十里又云夫差冢在獨亭西卑猷位越王假干戈人以一螺土葬之近太湖去縣十七里吳越春秋云夫差既伏劍越王以禮葬之秦餘杭山卑猶宰嚭亦葬其傍吳郡志史補正義夫差葬於姑蘇山轉戰西北改於十處十處之遙作陵在蘇州西北四十里萬安山有蓬山吳王

冢越絕書蛇門外大丘吳王不審名冢也去長洲縣十五里又越絕書梁塘北山者吳王不審名冢去長洲縣二十里匠門外攏溪濱中又越絕書胥女大冢吳王不審名也去長洲縣四十五里周章墓按郡國經周章閭閻長子墓在常熟縣海虞山上吳王僚墳在吳縣西一十二里岸等山西慶忌墳在吳縣東北二十五里吳王僚子也今云慶墳見吳地記按御覽引吳地記云在長洲縣齊門外今十四都有慶忌廟齊女墓吳越春秋云吳太子娶齊女女思齊而病將死曰必葬我於虞山之嶺以望齊國閭閻傷之如其言葬虞山之嶺吳女墓在長洲縣閭門外按越絕書云閭閻子女冢在於閭門外道北下池廣四十八步水深二丈五尺池廣六十步水深丈五寸隧出廟路以南通姑胥門并周六里舞鶴吳市殺生送死吳越春秋云閭閻與夫人及女會食蒸魚王前嘗平而與女女怒曰王食魚辱我乃自殺閭閻痛之葬於國西閭門外鑿池積土文石為柳題湊為中以金鼎玉杯銀尊珠襦之寶送女乃舞白鶴於吳中僉民隨觀使男與鵝俱入羨門因發機掩之殺生送死國人非之人取土時其地為湖號女墳湖葉宇記引郡國志云玉女墳在郭西山川記云吳蓋女名玉墳在閭門外御覽引吳地記云閭門外女墳有閭閻女墓史石

柳。歲金玉珎說。以人從元高墳深池。池水成湖與虎丘俱見發掘無所得也。朱長文續圖經云。一說表差小女字秀玉觀父之過。憂國之危。願與韓重為偶。志願不果。結怨而死。夫差葬之閭門外。女化形而歌曰。南山有鳥。北山張羅。鳥既高飛。羅當奈何。志欲從君。讒言孔多。悲怨成疾。投身黃坂。竊詠此詩。亦有深旨。殆此女生時所賦邪。南山有女。喻越也。北山張羅。制越非其所也。鳥既高飛。勾踐之威也。羅當奈何。夫差不可制越也。志欲從君。讒言孔多。謂雖欲從父之命。奈何其聽讒言而忘忠議。彼韓重之怨。蒸魚之忿。殆非也。吳郡志。皮日休女墳湖詩。為青千春。已寂寥。可憐忠憤為誰憐。須知韓重相思骨。直在芙蓉向水濱。陸龜蒙。水平波淡遠迴塘。鶴鵠人沉萬古傷。應是離魂哭不得。至今沙上少鴛鴦。夫差義子墳。一十八所。在長洲縣秦餘杭山東。又號亞父冢。見吳地記。吳太守寧嘉墳。在長洲縣陽山。吳安離墓。在吳縣西四里。閭門南城內。吳地記曰。在泰伯廟南三百五十步。相傳在今閭門橋西城下。馬安歌。舊有袍座墓。嘉定十六年。提刑司被旨修城。此地多得古冢。時莫詳其姓氏。互見吳郡志。下。漢書注。要離冢在吳西。伯鸞墓在其北。吳中公臣冢。郡國志云。在胥門西南。按祥符圖經云。在將門外。吳地記云。在平門外。衛公子冢。越

絕書。胥女南小蜀山春中君客衛公子冢也。去吳縣三十五里。吳將軍
孫武冢。越絕書云。巫門外大冢。吳王客孫武冢也。去長洲縣十里。善為兵
法。東漢書引皇覽云。在吳縣東門外。吳地記云。在平門西北二里。吳俗傳
其地名永昌。干將墓在長洲縣巫門外。干將與區冶同師。其妻曰莫邪。
吳王使鑄劍二。干將匿其陰。王殺之。續記云。在將門外。郡中鐵工多取墓
傍土以治刀斧。吳郡志。吳地記曰。巫門本名干將門。門外有干將墓。後
世呼為巫門。餘見土物條。越王冢。越絕書。蒸山南。夏駕大冢者。越王不
審名冢。去縣三十五里。越王史冢。越絕書。巫門外。宛山大冢。故越王王
史冢也。去長洲縣二十里。莫格冢。越絕書。虎丘北。莫格古賢者避世冢。
去長洲縣二十里。貴人冢。越絕書。土山春中君時治。以為貴人冢。次去
吳縣十六里。漢朱梁墳在長洲縣婁門東南二里。梁本名聲避和帝諱
改為。為正議大夫治書御史中丞尚書冀。其二郡太守吳郡朱氏多其後
也。塘北有顧三老墳。一作穆。按正議大夫。漢無之。冀州亦非冀郡。漢
三老顧綜墳在長洲縣婁門外。吳人辟有道德。歷御史大夫尚書令。殿上三
老。明帝襲三代之禮。正月上日。踐辟雍。嚴杖几。乞言受誨焉。吳丞相維其
裔孫也。事見顧况所撰廟庭碑銘云。刊石婁門德輝不滅碑云。漢顧川

太守陸宏墳在長洲縣平門西北三里。或云在華亭縣西北四十里。漢豫章太守陸烈墳在長洲縣秦餘杭山。見吳地記。按詳符圖經引吳地記。虎丘山西北十里。有水名曰白坊。又北十里有胥屏亭。東岸有漢豫章都尉陸烈墓。漢山陰令陸寂墳在陸烈墳東二里。見吳地記。漢黃香墓在常熟縣梅里鎮。香字文疆。江夏安陸人。性至孝。詳具東漢本傳。乾道初。梅里有蘇忠珣直。卜葬得古墓。乃黃香墓。碑刻皆隸字。首兩句八字中。二字不可識。此陵墓久。葬于博麻上光貞。宋夫其碑陰乃會稽東都都尉張統誄。入有薛綜修祠日月題刻。其可辨者八字。子復孫也。任登三事蘇氏字歸子家。夜有光怪。昇素甕承湖中。按寰宇記黃香墓在房陸縣東。漢蜀郡太守張康墳。俗名鳳凰墩。在吳縣界。俗云在閶門外。康考之氏扶無所見。唐宰相表。有漢蜀郡太守張睦。漢皋伯通墳在吳縣胥門外。號伯通墩。吳地志。漢馮煖墓在吳縣東北二里。即煖所居。死葬其側。至唐墓碣猶存。漢奉車都尉衡州刺史吳輝墓。吳地記云。在吳縣姑蘇山北十二里。胥口東岸。輝字元修。丹陽太守景之父也。漢梁鴻墓在吳縣西四里。要離墓北。後漢書云。梁鴻字伯鸞。扶風平陵人。娶同郡孟光。字德輝。共至具依皋伯通。鴻閉門著書十餘篇。疾且困。告主人曰。昔延陵季

子葬於鹿博之間。慎勿令我子待喪歸去。及辛伯通等求葬地於吳。要離
 冢傍。咸曰。要離烈士。而伯鸞清高。可令相近。葬畢。妻子歸扶風。唐陸龜蒙
 云。在金昌亭傍幾一里。續志云。今閭門南城內法會庵西。有古冢二。相傳
 為要離。梁鴻墓。咸云。在閭門外。金昌亭傍。按南史。宋少帝殺于金昌亭。帝
 突走出閭門。則亭在城內是。吳郡志。在太伯廟南。與要離墳相並。陸龜
 蒙云。伯鸞墓在吳門金昌亭下。幾一里。嘗作文以祭焉。陸龜蒙詞云。
 先生為五噫之歌。漢天子聞而病諸。南走乎大江之波。客魯氏之宇。下志
 沉潛。而靡他。白吳琴以舉舊夫人之勳。亦多。不懷土於將沒。適乎道之無
 題。此要離之烈。鬼冢雖夫而不磨。嗟余後先生之千祀。聊奉奠而末過。俯
 惟地而仰瞻。願先生之謂何。心徇性託。客他之宇。下不得。故力耕而自穫。
 所以法先生之義。庶五噫之可學。漢豫州刺史孫堅妻吳夫人。及其子
 曾。皆太守策三墓。並在盤門外三里。載於唐陸廣微吳地記。即今齊昇院
 東南。墓前有小溝。曰陵浜。祥符圖經云。孫堅塋。鄉俗稱為孫王墓。按吳書。
 堅死於初平三年。年三十七。策死於建安五年。年二十六。堅妻吳氏死於
 建安七年。合葬堅墓。黃龍元年。權追尊堅為武烈皇帝。廟曰始祖。墓曰高
 陵。吳氏為武烈皇后。策為長沙桓王。太元元年八月朔。大風拔吳高陵松。

相。石碑踞即城南門飛落動。晉陽秋云。惠帝元康中。吳令河東謝詢表為孫氏二君置守冢五人。修護掃除。有詔從之。其文張悅所作。今載文選。宋政和六年。村民發墓。輒皆作篆隸。為萬歲永藏之文。得金玉奇器甚多。有東西銀括。初若梨花。良久化為腐土。并金掛頭十數枚。金握臂貳。悉皆如新。一瓦熏爐。與近世陸墓所制略似。而箱底灰炭猶存。碑石斷缺。厯餘中平年三字。守將遂命掩之。所得古物。盡歸朱面家。洪躬香譜亦略載此事。即揚友愛所賦孫豫州墓者是也。洪氏三庚志云。盤門外大家。紹熙二年。秋雨潰圯。收童入其間。得銅器數種。持償於市。鄉人往視圯處。蓋其隧首。有石刻隸書云。大吳長沙桓王之墓。赤烏三年。凡十二字。知府沈揆亟命掩塞。仍立石表其所。滕歲為記。袁席之謂策死。距赤烏三年。已四十載。豈非權稱制之久。復改葬乎。所得之器。滕歲一小鏡。其背有銘十四字。一小麟鎮紙。無款識。以遺席之。嘉熙中。墓傍土中。又得唐孫得琳墓志。云開元十年。定于十四代祖吳武烈皇帝陵東南平地。又按丹陽圖經。載高陵在縣西練塘鄉。吳陵港。以傳記證之。當是藁葬曲阿。後遷于吳。史不及詳載爾。滕歲所記。謂紹熙中。提舉常平張體仁。嘗命其屬表之。題曰先賢墓。徐誼屬歲考訂正。從俗稱孫王墓。成蓋專據陳壽說。破虜葬曲阿。獨指此為

伯符之墓亦未詳。謝詢所表不審三墳同域。以友愛詩為差謬。故論說紛紜。自相抵牾。舊志既莫能是正。故詳載始末。云墳志云。魏吳惔立孫堅廟。嘗取長沙王墓。按案字記。潭州有長沙王吳芮廟。并墓在長沙縣北。又長沙定王廟在縣東北。孫破虜祠在縣南。又在吳縣。吳郡志。孫成孫王墓記云。出盤門三里有高塚。或傳其冢。傳有火在側。曰萬歲永歲。則其德。老人曰。孫王墓也。又曰。孫氏長沙王也。或傳其是世之說。遂嘗發取。歲金玉。未竟。敗復有碑。已斷缺不全。止辨有中平年三字。復掩之後。郡置室其旁。取土為磚。填號官室。後又以授民田。牧其上。前常平使者相業家。建齊昇院。與孫墓相附。近院甬成。會彼他官將去職。一日始得其事。立命其屬表之。為之表者。不暇詢攷。題曰先賢墓。今使者以為失事實。不可示久遠。即命吳縣主簿劉先武訂其事。乃其塚所得冢旁老人之言。以報屬。歲祀之。按陳壽志。長沙王字伯符。始受漢爵。為吳侯。太皇稱帝。追封長沙威王。而其子昭嗣封於吳。此墓當蓋伐時。有楊友愛詩。昭者作詩。而之乃以。為孫破虜墓。陳壽志破虜墓。葬曲阿。楊詩固已差謬。則所傳長沙王者。豈是。按中平元年。本為袁術破虜為佐軍司馬。計張角。楊蓋據得。有中平年字。故定以為破虜而不攷其史。江表傳載破虜為高佐軍。留家壽春。長沙王

方十餘載。已能與知名士交。周瑜自舒未壽春。勸王徙舒。則碑之所稱。或
為王也。人壽志。及裴松所補。孫氏自破虜而下。皆出所葬地。獨王不言葬。
而王之意。其得周瑜呂範。皆赴喪于吳。至大皇始用張詠計。自吳使林陵
則王之墓當在吳也。然碑今既不存。欲訂而表之。其傳故曰。孫王墓者。從
俗稱也。齊紹序其詩。又稱盜所得。冢中物有東西。銀杯金搔頭。金握臂。瓦
薰爐。中灰炭猶存。其物皆歸家。實政和丙申。中。前使者姓管氏。名昧
仁。字元善。今使者姓徐氏。字子宜。紹熙三年三月日記。楊友愛詩。閩
閩城南荒之丘。昔誰葬者孫豫州。久無過客為下馬。時有牧童來放牛。居
然珍寶出光怪。識者夜見蹤其由。玉環金盃到城市。土花不蝕餘千秋。州
家麻門巫封宅。賊曹掩骼窮姦偷。已知其中有可欲。亦恐未免無窮憂。當
時義師吞四海。少日已無東與劉。英雄異世樂如在。蒸露無乃為神羞。人
生浮脆無可料。螻蟻烏鳶從所求。高陵勸爾一杯酒。自古南山能鉅不。
吳偏將軍步騭墳。吳地記云。在吳縣東北三里一百步。有石碑石羊。今臨
頓東南。或作左威將軍。今為長洲。吳侍郎朱桓墳。在吳縣橫山。見吳地
記。真娘墓。李公垂詩序云。真娘吳之妓人。歌舞有名者。死葬虎丘寺前。
吳中少年從其志也。墓多花草。蔽其上。雲漢友議云。墓在虎丘路傍。闔經

云在雲巖寺西南山下。唐人遊此者多有篇詠。進士譚銖亦題一絕。譚詞人之重色。由是稍稍見。筆館閣書目有貞娘墓詩一卷。其即志公。志公詩云。一株繁艷春城裏。樹底門兒草上生。悲態自隨風燭滅。愛心難逐雨花輕。金銷波小空塘影。顰眉梁塵有甘井。思似錢塘蘇小小。祇應回首是卿卿。唐樂于譚銖題云。虎丘山下家。棠梨松柏蕭條盡可悲。何事世人唯重色。真娘墓上獨留詩。白居易詩。真娘墓。虎丘道。不識真娘鏡中面。唯見真娘墓頭草。霜摧桃李風折蓮。真娘死時猶少年。脂膏美手不牢固。世間尤物難留連。難留連。易銷歇。塞北花。江南雪。王禹偁詩云。女命在于色。士命在于才。無才無色者。未死如塵灰。虎丘真娘墓。止是空土堆。香齋與傳。骨銷散如黃埃。何事十百年。一名長在哉。吳越多婦人。死即藏山隈。無色故無名。丘冢空崔嵬。惟此真娘墓。客到情徘徊。我是好名士。為爾傾一杯。我非好色者。後人無相咍。楊備詩云。水肌玉骨有遺妍。粉作嬌羞黛作煙。如有香魂埋不得。夜深巖底月中仙。晉廢帝陵。相傳在常熟縣白茆市。侯白旌異記云。有盜發白茅冢。而棺內大吼如雷。野雉志唯飛。蹙赫然。其盜多被燒死。按晉書廢帝吳宇延陵大和六年。桓溫廢為東海王。咸安二年。降封海西縣公。邑四千戶。四月。使吳。太元十一年十一月。

甲申崩于吳。年三十五。與庾后合葬吳陵。晉司空何充墓在吳縣西一十五里。岸墓山東一里。見家宇記。按史何氏過江。自司空充並葬吳西山。晉大尉陸玩墓在吳縣雞籠山。子納尚書令。亦葬此山。按史玩卒。給兵千人。守冢七十家。太元中以玩有佐命勲。先陪陵而葬。由是持置與平伯官屬。以衛墓。則玩葬當在建業。晉驃騎將軍嘉興元公顧彥先墓。家宇記云在長洲縣赤門外九里。或誤云上將軍陸廣微記云在吳縣東南二十里。側有左威將軍張敏墳。寔在今郡城對門東六里。長洲縣皇天蕩南二十九都鄉俗云顧榮墓。墓西有祠。題曰顧將軍廟。按晉書彥先卒於懷帝永嘉六年。時戴洋善風角。或問江南當有貴人。顧彥先周宣佩曾是否。洋曰顧不及臘。周不見。來年八月榮果以十二月十七日辛十九日臘。紀以明年七月晦日亡。沈約宋書武帝咸寧四年詔禁斷石獸碑表其犯者。雖會赦。今皆當毀壞。元帝大興元年有司美故驃騎府主簿故恩營葬舊君顧榮。求立碑。詔特聽立。考其卒之歲在壬申。而葬在戊寅。相距七載。乃晉室中興之時也。昔廬江太守關鑠墓在長洲縣齊門東北二里。今有關墓村。跡德行清高。封關內侯。見吳地記。王墓虛舟客語云在長洲縣郡城東三里。有水鄉曰王墓。父老相傳為晉右軍王逸少之墓。按右軍與

弟書云墳墓在臨川者行欲改移就吳中終是所歸晉陸凱墓在長洲縣西鳳凰山晉光祿大夫淮南內史朱誕家在長洲縣婁門外一里見寰宇記晉吳國內史袁崧墳在吳縣橫山東五里晉東曹掾張季鷹墳在吳縣橫山東五里晉江纂墓未潰孫起卿於天平山下地名上沙獲墓碑以大方輒刻之其略云纂養父諱本父通字畫俱存其輒與石不異起卿有詩按譜通字纂給事中纂子秉之秉之子徽通並吳令諱無所考又郡志起卿為賦詩家有古塚碑近自田家後藏之五六年未甚其有跡古苔沒文理封結殆莫識偶然差其窮一一為磨剔始若漫無文細尋適可讀文云晉江纂長夜無告刻石煉不用塊然但塊墳合葬無別銘背面書反覆一字不涉事本後記明白二父遂兼書於通乃宗嫡志云養父諱本父通也考諸晉史為真是小出入字畫亦頗勁然不類錫斯漢魏尚豐碑此獨何編迫豈時丁喪亂不暇如品式乎時義熙李茂次實康成五胡刻中原典午窳劣極苟簡理宜爾寧詒不孝責審訂既昭然疑去喜日適歷年七百餘晉爾駒過跡名節苟不傳此化光凡石實茲當眼前用代銘几席瞿劭先生之墓在常熟縣直塘市廣安寺嘗浚塘得古塚刻碑稱瞿劭先生字鵠子廣川人隱居不嫁葬於東陵武丘寺重岡之

原。或丘蓋廣安舊額。今其地尚多瞿姓。晉書陸遜傳。瞿研先生者。不得姓名。亦不知何許人也。太和末。嘗居宣城郡界大卷山中。山有瞿研。因以為名焉。大司馬桓溫嘗往造之。既至。見先生被麻裘。坐于石室。神無忤色。溫及僚佐數十人皆莫測之。乃命伏滔為之銘贊。竟卒於山。中正猶孫叔敖。史失其名。得其碑。乃知名。饒。瞿研之字。亦近於此。梁給事黃門侍郎陸雲公墓在吳縣橫山。俗稱陸墓山。其墓北為陸士龍墳。今相傳為陸機墓。皆非是也。雲公字子龍。武帝恩遇甚厚。太清元年。卒年三十七。帝悼惜之。詔射日舉哀。時錢五萬。布四十匹。雲公之子瓊。初侍東宮。母隨在官舍。後主賞賜優渥。至德中。為吏部尚書。丁母憂。喪當還鄉。詔加賜贈。并遣謁者黃長貴持冊奠祭。後主自製誌銘。朝野榮之。瓊以哀毀卒。梁朝公主墓在長洲縣西北。即妙嚴尼寺後大丘也。相傳梁武帝之女。出降郡人孫瑒。此事即其故宅。迄今尚祀版位於佛殿。題為妙嚴公主西去路。直如矢。可百許步。河濱有一石馬。號石馬。雁云。故神道又著舊相傳墓上有廟。年遠蹟毀。惟廟前古柏存焉。按妙嚴寺置於太平興國元年。漢許將軍墓名。其地記云。郡城通玄寺大殿東南角。有漢許將軍墓。至唐改葬。歲禩既遠。故莫有知其處者。今寺所祀伽藍。有許刺史。無將軍之稱。蕭天子墓。

慶元志云。在常熟縣寶嚴寺東。丁家灣之西。故老相傳云。蕭天子墓上有古木。樵牧不敢近。不知何帝也。按史。梁廢帝。海陵王。鬱林王。皆為蕭鸞所廢。然不云葬吳。唐蕭存父。穎士。名播天下。王常虛異等皆執弟子禮。號蕭夫子。存嘗為常熟主簿。其父死。或葬於此地。不可知。恐是蕭夫子墓。訛夫作天耳。然史謂穎士客死汝南。又未如果葬於此否也。姑備所聞。以俟博識。又江陰志。蕭天子墓在良信鄉。有大土封。號倉堆。岑川志。相傳為蕭天子墓。又按宋史。蕭鸞為江陰王。與蕭子卿。陳太建二年。除侍中。厚子八。就子卿買吳陵中樹。皆坐元。既此觀之。墓亦有自矣。陳黃門侍郎顧野王墓在吳縣橫山東。平地不起墳。其地近越來溪。紹興中。碑石斷裂。而巍然植立。後為醉人推仆。碎于地。唐鸞臺侍郎顏崇墳在吳縣泰伯廟西。唐吏部尚書姚邵之墳在吳縣南五里一百步。見吳地記。唐閻將軍家。在常熟縣勝法寺東。寺即元和中間入舍宅所置。唐莊府君墓在嘉定縣城南門外。護國忠侯墓在嘉定縣外埕之西。孫朝儀墓一在嘉定縣城西。護國寺後。一在項涇西。二在集仙宮東。其子墓也。譚太史墓在嘉定縣月浦。趙儀曹墓在嘉定縣登平橋北。唐贈補闕陸龜蒙墓在長洲縣甫里。傍有白蓮寺。撫言龜蒙中和初卒。給事顏範為誌吳。